



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<22> մարտի 2019թ.

Ո Ր Ո Շ ՈՒ Մ No. 430/14-Ա

Չկատարված հարկային պարտավորությունները գանձելու մասին

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<Սարահարթ>> համատիրության վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<Սարահարթ>> համատիրության (ՀՎՀՀ 09407231, հասցե՝ ՀՀ Սյունիքի մարզ ք. Կապան Շինարարների փ. 15-1, պետ. գրանցման համար՝ 27.00007) <07> մարտի 2019 թվականի դրությամբ չկատարված հարկային պարտավորությունը կազմել է 610.588 դրամ, որից ապառք՝ 384.553 դրամ, տույժ՝ 223.839 դրամ, տուգանք՝ 2.196 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <11> մարտի 2019 թվականին համատիրության նախագահը Հայաստանի Հանրապետության հրապարակային ծանուցումների պաշտոնական ինտերնետային կայքի միջոցով պատշաճ կերպով ծանուցվել է, սակայն վարույթի նյութերին ծանոթանալու համար չի ներկայացել և նշվածի վերաբերյալ որևէ բացատրություն չի տվել:

ՀՀ վարչական դատարանը 21.10.2015թ.-ին թիվ ՎԴ1/0029/05/15 վարչական գործով վճիռ է կայացրել <<Սարահարթ>> համատիրությունից 488.517 դրամ բռնագանձելու մասին, որի մեջ ներառված է եղել եկամտահարկ՝ 55.462 դրամ (ապառք՝ 27.700 դրամ, տույժ՝ 27.762 դրամ), եկամտային հարկ՝ 433.055 դրամ (ապառք՝ 328.800 դրամ, տույժ՝ 104.255 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է **122.071 դրամ**, որից՝

եկամտահարկի պարտավորությունը կազմում է **38 դրամ**, որն ամբողջությամբ տույժի գումար է և առաջացել է իրավահարաբերության ծագման պահին գործող գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից.

եկամտային հարկի գծով պարտավորությունը կազմում է **122.033 դրամ**, որից ապառք՝ 29.342 դրամ, տույժ՝ 90.495 դրամ, տուգանք՝ 2.196 դրամ, որն առաջացել է 2014 թվականի փետրվար, մարտ ամիսների եկամտային հարկի և սոցիալական վճարի ամսական հաշվարկներից, հարկերը սահմանված ժամկետում չվճարելու հետևանքով՝ իրավահարաբերության ծագման պահին գործող <<Հարկերի մասին>> ՀՀ օրենքի 23-րդ հոդվածով հաշվարկված տույժերից և 2014 թվականի փետրվար, մարտ ամիսների եկամտային հարկի և սոցիալական վճարի ամսական հաշվարկները սահմանված ժամկետում չնեկայացնելու հետևանքով՝ իրավահարաբերության ծագման պահին գործող <<Հարկերի մասին>> ՀՀ օրենքի 24-րդ հոդվածով հաշվարկված տուգանքից:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար, որը վճարվում է հարկ վճարողների կողմից՝ ՀՀ հարկային օրենսգրքով սահմանված կարգով, չափերով և ժամկետներում:

Համաձայն <<Հայաստանի Հանրապետության 2019 թվականի պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված

հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ **սույն որոշումը ենթակա է անհապաղ կատարման:**

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, <<Հարկային ծառայության մասին>> ՀՀ օրենքի 4-րդ հոդվածի 9-րդ մասով և <<Վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<Սարահարթ>> համատիրությունից գանձել **122.071 դրամ** պարտավորության գումար:

2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ ՀՀ վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

**ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ**



Handwritten signature in blue ink.

Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ քաժին,
գլխավոր մասնագետ Մ.Մաթևոսյան
հեռ.011-54-91-65